

nis Diœcesibus, vbi neque sunt presentati, neque approbati. Tum, quia illis, quibus committitur commutare, non committitur dispensare. Tum, quia dispensatio votorum & commutatio non potest fieri ab Episcopis cum exteris, qui ad suas Diœceses accedunt, iuxta dicta in superioribus. Vnde concessa facultate ipsis presbyteris ad prædicta vota commutanda, cum sit præter ius respectu votorum exterorum, non debet illud extendi ad ipsorum dispensationem. Paulus enim. 3. Romæ apud Sanctum Petrum die. 3. Iulij anni Domini. 1545. Pontificatus sui anno. 2. Presbyteris confessoribus Societatis concessit facultatem quorumcunq; fidelium ad eos accedentium confessiones audire, & eorum singulos ab omnibus & singulis eorum peccatis quantumcunq; gravibus etiam Sedi Apostolicæ reservatis exceptis contentis in Bulla Cœnæ Domini potestatem absolventi, atq; eis pro commissis poenitentiam salutarem iniungendi, vt supra visum est. Nec non vota quæcunq; per eos pro tempore emissa [ultramarinis, visitationis liminum beatorum Petri & Pauli Apostolorum de Vrbe, ac Sancti Iacobi